



BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM
Komisija za finansije i budžet
Broj: 01/4-011-1604/03
Sarajevo, 7.11.2003. godine.

Z A P I S N I K
12. sjednice Komisije za finansije i budžet Predstavničkog doma
Parlamentarne skupštine Bosne i Hercegovine,
održane 7.11. 2003. godine

Sjednica je počela u 9,00 sati.

Sjednici su prisustvovali:

- Nikola Kragulj, predsjedavajući Komisije,
- Filip Andrić, prvi zamjenik predsjedavajućeg Komisije,
- Fatima Leho, drugi zamjenik predsjedavajućeg Komisije,
- Hazim Felić, član Komisije,
- Abdulah Nakaš, član Komisije,
- Mirko Blagojević, član Komisije.

Odsutni su bili: Zlatko Lagumdžija, Ljiljana Milićević i Beriz Belkić.

Za sjednicu je predložen i jednoglasno usvojen sljedeći

D n e v n i r e d

01. Rasprava o Prijedlogu zakona o sistemu indirektnog oporezivanja vezano za dopis broj 01-02-2429/03 od 6.11.2003. godine prvog zamjenika gospodina Filipa Andrića.

Nakon usvajanja dnevnog reda, uslijedila je rasprava o ovoj problematici.

Drugi zamjenik predsjedavajućeg Komisije g-đa Fatima Leho, obrazložila je razloge sazivanja ove sjednice. Ona je istakla da je na 11. sjednici Komisije prihvaćen amandman na Prijedlog zakona koji bi u primjeni remetio cijeli koncept zakona, kao i politike indirektnog oprezivanja, pa predlaže da se izmjeni dio Izvještaja Komisije o ovom zakonu od 4.11.2003. godine i u cijelosti povuče amandman X.

Predsjedavajući komisije, g. Nikola Kragulj je podsjetio članove komisije o toku sjednice i načinu glasanaj o amandmanu. Konstatirao je da je Izvještaj Komisije plod glasanja njenih članova. U slučaju eventualnog mijenjanja Izvještaja učinio bi se poresedan i stvorila bi se loša situacija za budući rad, jer nikako nije uputno da se raniji izvještaji Komisije prepravljaju. Na Izvještaj Komisije g. Felić i g. Belkić su uložili amandmane Predstavničkom domu, što je ispravan put.

G. Filip Andrić izrazio je izvinjenje zbog situacije u koju je došla i Komisija i sam Prijedlog zakona. Pristigli amandmani su bili teško čitljivi, a i sama sjednica je dugo trajala, pa u momentu glasanja o amandmanu g. Novakovića, smatrao je da je u pitanju amandman g-đe Milićević. Smatra da je bio u zabludi, pa predlaže da se sporni amandman stavi van snage, ukoliko postoji poslovnička mogućnost. On ne spori da je digao ruku za sporni amandman, ali je očito bila zabluda u pitanju.

G. Abdulah Nakaš je istakao da prihvata rješenje da se na ovoj sjednici izmijeni Izvještaj Komisije. Ukoliko se rezultat glasanja zasniva na grešci formalne prirode, nastale u zabludi, trebalo bi to ispraviti.

g. Hazim Felić se osvrnuo na tok sjednice i konstatovao da bi bilo bolje da se o spornom amandmanu izjasnimo odmah na sjednici komisije, a ne na sjednici Predstavničkog doma.

U daljnjoj raspravi, g. Nikola Kragulj je opet podsjetio na nemogućnost izmjene Izvještaja Komisije. On se ne protivi da se u raspravi na sjednici Predstavničkog doma stanje vrati na prvobitno rješenje iz Prijedloga. Čak će se založiti da se i njegov Klub tako opredjeli.

G. Fatima Leho je opet insistirala na promjeni Izvještaja Komisije, jer su nastupile nove okolnosti, okolnosti glasanja u zabludi, pa je bolje na sjednici Komisije ispraviti zabludu.

G. Mirko Blagojević je istakao da se u cijelosti solidariše mišljenjem g. Kragulja i ne želi promjene Izvještaja Komisije.

Na prijedlog predsjedavajućeg komisije zaključeno je da se odmah sačini zapisnik s ove sjednice i isti da se dostavi poslanicima na znanje prilikom odlučivanja o Prijedlogu zakona o sistemu indirektnog oporezivanja.

Sjednica je završena u 9,20 sati.

Sekretar Komisije

dr. Zijad Hasić

Predsjedavajući Komisije

Nikola Kragulj